

I Lies den Text und fülle das Kreuzworträtsel dazu aus.

25 pêra s-charpas l'on es tuot normal

Quai nu das-cha Eugen Cahenzli savoir. Eu, Ludmilla Cahenzli, cumpr minch'on 25 pêra s-charpas. Ils peis da meis trais uffants creschan sul svelt.

Plüprobabel nu'm craja quai ingün. Ma d'incuort es meis mat gnü ed ha dit:

«Mamma, mias s-charpas da gymnastica sun massa pitschnas.»

«Impussibel. No tillas vain bain be güsta cumpradas avant duos mais», di eu.

Ma meis mat insista: «Ellas fan mal.»

Eu am sgob e schmach cun ün daint ourasom sias s-charpas. Avant duos mais d'eira il polsch trais centimeters d'avent dal piz da la s-charpa. Eu'm regord amo bain cha la vendadra da s-charpas vaiva dit: «Quellas s-charpas sun bain massa grondas. Vos mat va uschè in schgniffas.»

Eu n'ha listess cumprà precis quellas s-charpas. Dürant tippar e pakettar aint las s-charpas ha la vendadra fat üna tschera sco sch'eu füss la mendra raffadra e maltrattess a meis uffant.

Uossa tuorness eu jent cul mat in butia e dschess a la vendadra: «Ch'Ella tocca üna jada e guarda, ingio cha'l polsch es! Che mâ dschess Ella?!» Ella nu'm crajess cha'l mat, chi implischa hoz las

s-charpas, es quel chi vaiva avant duos mais sia dainta d'pè trais centimeters d'avent dals piz da las s-charpas.

Mender co la vendadra es però Eugen Cahenzli. A meis hom nu das-cha dir ch'eu stopcha comprar

s-charpas. El survain uschigliö ün'attacha. Eugen manaja ch'eu cumpra bler massa bleras s-charpas. Invezza nu sa'l gnanca da la mità da las s-charpas. Tschella mità cumpr eu nempe a la zoppada. Eugen bada bain vi da las finanzas cha alch nu tuorna, ed el dumonda minchatant: «Hast tü inglur ün conto, ingio cha tü mettas d'vart raps?» Ma eu respuond adüna cun ün'ögliada innozainta «Na, sgür na.» La vardà es cha'ls pliffers svanischan illas butias da s-charpas.

D'incuort n'haja fat üna jada üna glista. Eu n'ha dombrà quantas s-charpas ch'eu cumpr in media in ün on. Sco dit, i sun 25 pêra. Ils blers chi legian quista cifra squassaran uoss' il cheu e pensaran: «Quella Ludmilla Cahenzli sbatta cumplettamaing! Ella ha plü co facil la malatia da comprar

s-charpas.» Ma mincha mamma cun trais uffants sa precis cha 25 pêra s-charpas l'on nun es brichafat schmasürà. Dal rest: sch'eu vess la malatia da comprar s-charpas, cumpress eu bain 30 pêra be per mai svesa. Ma eu cumpr be var traja pêra s-charpas per mai. Il rest es pels uffants.

PS: Eugen douvra be 0.2 pêra s-charpas l'on – dimena mincha tschinch ons ün pêra s-charpas novas. E perquai ch'el nu va svesa a comprar s-charpas, nun ha'l propa ingün' idea che cha s-charpas cuostan insomma hozindi. El craja fermamaing cha bunas s-charpas da chürom cuostan be var 50 francs.

1. Quanta pêra s-charpas cumpra Ludmilla Cahenzli minch'on? (VAINCHETSCHINCH)
2. Quanta pêra s-charpas cumpra Ludmilla Cahenzli per ella svest? (TRAJA)
3. il lō, ingio chi's po comprar chosas (BUTIA)
4. la duonna chi venda (VENDADRA)
5. quai as poja far cun raps (CUMPRAR)
6. nom pel prüm daint dal pè (POLSCH)
7. cun quai as poja comprar chosas (RAPS)

